



縮刻唐石經儀禮

下

□ 12  
936  
12



936  
12



# 儀禮卷第十三

既夕禮第十三

儀禮

鄭氏注

既夕哭請啓期告于賓夙興設盥于祖廟門外陳  
鼎皆如殯東方之饌亦如之夷牀饌于階間二燭  
俟于殯門外丈夫睡散帶垂即位如初婦人不哭  
主人拜賓入即位袒商祝免袒執功布入外自西

儀禮卷十三

階盡階不升堂聲三啓三命哭燭入祝降與夏祝  
交于階下取銘置于重踊無筭商祝拂柩用功布  
幘用夷衾遷于祖用軸重先奠從燭從柩從燭從  
主人從升自西階奠俟于下東面北上主人從升  
婦人升東面衆主人東即位正柩于兩楹間用夷  
牀主人柩東西面置重如初席升設于柩西奠設  
如初巾之升降自西階主人踊無筭降拜賓即位  
踊龍衾主婦及親者由足西面薦車直東榮北軒質

明滅燭徹者升自阼階降自西階乃奠如初升降  
自西階主人要節而踊薦馬纓三就入門北面交  
轡圉人夾牽之御者執策立于馬後哭成踊右還  
出賓出主人送于門外有司請祖期曰日側主人  
入袒乃載踊無筭卒束龍衾降奠當前束商祝飾柩  
一池紐前經後緇齊三采無貝設披屬引陳明器  
於乘車之西折橫覆之抗木橫三縮二加抗席三  
加茵用䟽布緇前羽有幅亦縮二橫三器西南上績

茵苞二笥三黍稷麥壘三醢醢屑霁用疏布甒二  
醴酒霁用功布皆木析久之用器弓矢耒耜兩敦  
兩杆槃匱匱實于槃中南流無祭器有燕樂器可  
也役器甲冑干笮燕器杖笠翬徹奠巾席俟于西  
方主人要節而踊袒商祝御柩乃袒踊龍襲少南當  
前束婦人降即位于階間袒還車不還器祝取銘  
置于茵二人還重左還布席乃奠如初主人要節  
而踊薦馬如初賓出主人送有司請葬期入復位

公贈玄纁束馬兩擯者出請入告主人釋杖迎于  
廡門外不哭先入門右北面及衆主人袒馬入設  
賓奉幣由馬西當前輅北面致命主人哭拜稽顙  
成踊賓奠幣于棧左服出宰由主人之北舉幣以  
東士受馬以出主人送于外門外拜龍襲入復位杖  
賓贈者將命擯者出請入告出告須馬入設賓奉  
幣擯者先入賓從致命如初主人拜于位不踊賓  
奠幣如初舉幣受馬如初擯者出請若奠入告出

儀禮卷十三  
三  
以賓入將命如初士受羊如受馬又請若賻入告  
主人出門左西面賓東面將命主人拜賓坐委之  
宰由主人之北東面舉之反位若無器則悟受之  
又請賓告事畢拜送入贈者將命擯者出請納賓  
如初賓奠幣如初若就器則坐奠于陳凡將禮必  
請而后拜送兄弟贈奠可也所知則贈而不奠知  
死者贈知生者賻書贈於方若九若七若五書遣  
於策乃代哭如初宵為燎于門內之右厥明陳鼎

五于門外如初其實羊左胖髀不外腸五胃五離  
肺豕亦如之豚解無腸胃魚腊鮮獸皆如初東方  
之饌四豆脾析蟬醢葵菹臠醢四簋束棗栗脯醴  
酒陳器滅燎執燭俠輅北面賓入者拜之徹者入  
丈夫踊設于西北婦人踊徹者東鼎入乃奠豆南  
上綉邊臠醢南北上綉俎二以成南上不綉特鮮  
獸醴酒在邊西北上奠者出主人要節而踊甸人  
抗重出自道道左倚之薦馬馬出自道車各從其

馬駕于門外西面而俟南上徹者入踊如初徹巾  
苞牲取下體不以魚腊行器茵苞器序從車從徹  
者出踊如初主人之史請讀贈執筭從柩東當前  
東西面不命毋哭哭者相止也唯主人主婦哭燭  
在右南面讀書釋筭則坐卒命哭滅燭書與筭執  
之以逆出公史自西方東面命毋哭主人主婦皆  
不哭讀遣卒命哭滅燭出商祝執功布以御柩執  
披主人袒乃行踊無筭出宮踊龍衣至于邦門公使

宰夫贈玄纁束主人去杖不哭由左聽命賓由右  
致命主人哭拜稽顙賓升實幣于蓋降主人拜送  
復位杖乃行至于壙陳器于道東西北上茵先入  
屬引主人袒眾主人西面上婦人東面皆不哭  
乃窆主人哭踊無筭龍衣贈用制幣玄纁束拜稽顙  
踊如初卒袒拜賓主婦亦拜賓即位拾踊三龍衣賓  
出則拜送藏器於旁加見藏苞筭於旁加折卻之  
加抗席覆之加抗木實土三主人拜鄉人即位踊

龍衣如初乃反哭入升自西階東面衆主人堂下東  
面北上婦人入丈夫踊升自阼階主婦入于室踊  
出即位及丈夫拾踊三賓弔者升自西階曰如之  
何主人拜稽顙賓降出主人送于門外拜稽顙遂  
適殯宮皆如啓位拾踊三兄弟出主人拜送衆主  
人出門哭止闔門主人揖衆主人乃就次猶朝夕  
哭不奠三虞卒哭明日以其班祔

記士處適寢寢東首于北墉下有疾疾者齊養者  
皆齊徹琴瑟疾病外內皆埽徹褻衣加新衣御者  
四人皆坐持體男女改服屬纊以俟絕氣男子不  
絕於婦人之手婦人不絕於男子之手乃行禱于  
五祀乃卒主人啼兄弟哭設牀第當牖衽下莞上  
簟設枕遷尸復者朝服左執領右執要招而左楔  
貌如軛上兩末綴足用燕几校在南御者坐持之  
即牀而奠當牖用吉器若醴若酒無巾衾赴曰君  
之臣某死赴母妻長子則曰君之臣某之某死室

中唯主人主婦坐兄弟有命夫命婦在焉亦坐尸  
在室有君命衆主人不出襚者委衣于牀不坐其  
襚于室戶西北面致命夏祝淅米差盛之御者四  
人抗衾而浴禮第其母之喪則內御者浴鬢無筭  
設明衣婦人則設中帶卒洗貝反于筭實貝柱右  
巔左巔夏祝徹餘飯瑱塞耳掘坎南順廣尺輪二  
尺深三尺南其壤垆用塊明衣裳用幕布袂屬幅  
長下膝有前後裳不辟長及穀縗緋緇緇純設握

裏親膚繫鈎中指結于擊甸人築圻坎隸人涅廁  
既龍宵爲燎于中庭厥明滅燎陳衣凡絞紵用布  
倫如朝服設於東堂下南順齊于坵饌于其上  
兩甒醴酒酒在南篚在東南順實角觶四木柶二  
素勺二豆在甒北二以並籩亦如之凡籩豆實具  
設皆巾之觶俟時而酌柶覆加之面枋及錯建之  
小斂辟奠不出室無踊節既馮尸主人袒髻髮絞  
帶衆主人布帶大斂于阼大夫外自西階階東北



面東上既馮尸大夫逆降復位巾奠執燭者滅燭  
出降自阼階由主人之北東既殯主人說髦三日  
絞垂冠六升外緹纓條屬厭衰三升屨外納杖下  
本竹桐一也居倚廬寢苦枕塊不說經帶哭晝夜  
無時非喪事不言歎粥朝一溢米夕一溢米不食  
菜果主人乘惡車白狗臂蒲蔽御以蒲蔽犬服木  
館約綏約轡木鑣馬不齊髦主婦之車亦如之疏  
布祔貳車白狗攝服其他皆如乘車朔月童子執


帚卻之左手奉之從徹者而入比奠舉席埽室聚  
諸爻布席如初卒奠埽者執帚垂末內鬘從執燭  
者而東燕養饋羞湯沐之饌如他日朔月若薦新  
則不饋于下室筮宅冢人物土卜曰吉告從于主  
婦主婦哭婦人皆哭主婦升堂哭者皆止啓之昕  
外內不哭夷牀軼軸饌于西階東其二廡則饌于  
禰廡如小斂奠乃啓朝于禰廡重止于門外之西  
東面柩入升自西階正柩于兩楹間奠止于西階

之下東面北上主人升柩東西面衆主人東即位  
婦人從升東面奠升設于柩西升降自西階主人  
要節而踊燭先入者升堂東楹之南西面後入者  
西階東北面在下主人降即位徹乃奠升降自西  
階主人踊如初祝及執事舉奠巾席從而降柩從  
序從如初適祖薦乘車鹿淺幣干笄革鞬載旌載  
皮弁服纓轡貝勒縣于衡道車載朝服橐車載蓑  
笠將載祝及執事舉奠戶西南面東上卒束前而

降奠席于柩西巾奠乃牆抗木刊茵著用荼實綏  
澤焉葦苞長三尺一編管筥三其實皆淪祖還車  
不易位執披者旁四人凡贈幣無常凡糗不煎唯  
君命止柩于垣其餘則否車至道左北面立東上  
柩至于壙斂服載之卒窆而歸不驅君視斂若不  
待奠加蓋而出不視斂則加蓋而至卒事既正柩  
賓出遂匠納車于階間祝饌祖奠于主人之南當  
前輅北上巾之弓矢之新沽功有弭飾焉亦張可

也有秘設依撻焉有韜睨矢一乘骨鏃短衛志矢  
一乘軒輶中亦短衛

儀禮卷第十三



儀禮卷第十二

士喪禮第十二

儀禮

鄭氏注

士喪禮死于適室幠用斂衾復者一人以爵弁服  
簪裳于衣左何之扱領于帶升自前東榮中屋北  
面招以衣曰臯某復三降衣于前受用篋升自阼  
階以衣尸復者降自後西榮楔齒用角柶綴足用

燕几奠脯醢醴酒升自阼階奠于尸東帷堂乃赴  
于君主人西階東南面命赴者拜送有賓則拜之  
入坐于牀東衆主人在其後西面婦人俠牀東面  
親者在室衆婦人戶外北面衆兄弟堂下北面君  
使人弔徹帷主人迎于寢門外見賓不哭先入門  
右北面弔者入升自西階東面主人進中庭弔者  
致命主人哭拜稽顙成踊賓出主人拜送于外門  
外君使人徹帷主人如初趨者左執領右執要

入升致命主人拜如初趨者入衣尸出主人拜送  
如初唯君命出升降自西階遂拜賓有大夫則特  
拜之即位于西階下東面不踊大夫雖不辭入也  
親者趨不將命以即陳庶兄弟趨使人以將命于  
室主人拜于位委衣于尸東牀上朋友趨親以進  
主人拜委衣如初退哭不踊徹衣者執衣如趨以  
適房爲銘各以其物亡則以緇長半幅經末長終  
幅廣三寸書銘于末曰某氏某之柩竹杠長三尺

置于宇西階上甸人掘坎于階間少西爲徑于西  
牆下東鄉新盆槃瓶廢敦重鬲皆濯造于西階下  
陳饗事于房中西領南上不精明衣裳用布鬮筭  
用桑長四寸纓中布巾環幅不繫掩練帛廣終幅  
長五尺析其末瑱用白纊慎日用緇方尺二寸經  
裏著組繫握手用玄纁裏長尺二寸廣五寸牢中  
旁寸著組繫決用正玉棘若擇棘組繫纊極二冒  
緇質長與手齊經殺掩足爵弁服純衣皮弁服椽

衣緇帶靺鞨竹笏夏葛屨冬白屨皆纊緇約純組  
綦繫于踵庶幾繼陳不用貝三實于筭稻米一豆  
實於筐沐巾一浴巾二皆用給於筭櫛於簞浴衣  
於篋皆饌于西序下南上管人汲不說緇屈之祝  
泔米于堂南面用盆管人盡階不升堂受潘煮于  
徑用重鬲祝盛米于敦奠于貝北士有冰用夷槃  
可也外御受沐入主人皆出戶外北面乃沐櫛拒  
用巾浴用巾拒用浴衣渙濯弃于坎蚤揃如他日

儀禮卷十二  
三  
鬯用組乃筭設明衣裳主人入即位商祝龍襲祭服  
祿衣次主人出南面左袒扱諸面之右盥于盆上  
洗貝執以入宰洗柶建于米執以從商祝執巾從  
入當牖北面徹枕設巾徹楔受貝奠于尸西主人  
由足西牀上坐東面祝又受米奠于貝北宰從立  
于牀西在右主人左扱米實于右三實一貝左中  
亦如之又實米唯盈主人龍襲反位商祝掩瑱設幘  
目乃屨綦結于跗連紉乃龍襲三稱明衣不在筭設

鞞帶搢笏設決麗于擊自飯持之設握乃連擊設  
冒囊之幘用衾巾柶簠盞埋于坎重木刊鑿之甸  
人置重于中庭參分庭一在南夏祝鬻餘飯用二  
鬯于西牆下冪用䟽布久之繫用鞞縣于重冪用  
葦席北面左枉帶用鞞賀之結于後祝取銘置于  
重厥明陳衣于房南領西上績絞橫三縮一廣終  
幅析其末緇衾頰裏無紉祭服次散衣次凡十有  
九稱陳衣繼之不必盡用饌于東堂下脯醢醴酒

冪奠用功布實于簞在饌東設盆盥于饌東有巾  
苴經大鬲下本在左要經小焉散帶垂長三尺牡  
麻經右本在上亦散帶垂皆饌于東方婦人之帶  
牡麻結本在房牀第夷衾饌于西坳南西方盥如  
東方陳一鼎于寢門外當東塾少南西面其實特  
豚四鷄去蹄兩胎脊肺設局鼎鼎西末素俎在鼎  
西西順覆匕東柄士盥二人以並東面立于西階  
下布席于戶內下莞上簞商祝布絞衾散衣祭服

祭服不到美者在中士舉遷尸反位設牀第于兩  
楹之間衽如初有枕卒斂徹帷主人西面馮尸踊  
無筭主婦東面馮亦如之主人髻髮袒衆主人免  
于房婦人睡于室士舉男女奉尸俛于堂幬用夷  
衾男女如室位踊無筭主人出于足降自西階衆  
主人東即位婦人阼階上西面主人拜賓大夫特  
拜士旅之即位踊襲經于序東復位乃奠舉者盥  
右執匕卻之左執俎橫攝之入阼階前西面錯錯

儀禮卷十三  
五  
俎北面右人左執匕抽扃予左手兼執之取鼎委于鼎北加扃不坐乃杝載載兩髀于兩端兩肩亞兩肱亞脊肺在於中皆覆進抵執而俟夏祝及執事盥執醴先酒脯醢俎從外自阼階丈夫踊甸人徹鼎巾待于阼階下奠于尸東執醴酒北面西上豆錯俎錯于豆東立于俎北西上醴酒錯于豆南祝受巾巾之由足降自西階婦人踊奠者由重南東丈夫踊賓出主人拜送于門外乃代哭不以官

有禭者則將命擯者出請入告主人待于位擯者出告須以賓入賓入中庭北面致命主人拜稽顙賓升自西階出于足西面委衣如於室禮降出主人出拜送朋友親禭如初儀西階東北面哭踊三降主人不踊禭者以褶則必有裳執衣如初徹衣者亦如之升降自西階以東宵為燎于中庭厥明滅燎陳衣于房南領西上績絞紵衾二君禭祭服散衣庶禭凡卅稱紵不在筭不必盡用東方之饌



兩瓦甒其實醴酒角觶木柶豆兩其實葵菹芋  
羸醢兩籩無滕布巾其實粟不擇脯四脰奠席在  
饌北斂席在其東掘肆見枉棺入主人不哭升棺  
用軸蓋在下熬黍稷各二筐有魚腊饌于西坫南  
陳三鼎于門外北上豚合升魚鱠鮓九腊左胙髀  
不升其他皆如初燭俟于饌東祝徹盥于門外入  
升自阼階丈夫踊祝徹巾授執事者以待徹饌先  
取醴酒北面其餘取先設者出于足降自西階婦

人踊設于序西南當西榮如設于堂醴酒位如初  
執事豆北南面東上乃適饌帷堂婦人尸西東面  
主人及親者升自西階出于足西面袒士盥位如  
初布席如初商祝布絞紵衾衣美者在外君襚不  
倒有大夫則告士舉遷尸復位主人踊無筭卒斂  
徹帷主人馮如初主婦亦如之主人奉尸斂于棺  
踊如初乃蓋主人降拜大夫之後至者北面視肆  
衆主人復位婦人東復位設熬旁一筐乃塗踊無

儀禮卷十二  
筭卒塗祝取銘置于筵主人復位踊襲乃奠燭升  
自阼階祝執巾席從設于奧東面祝反降及執事  
執饌士盥舉鼎入西面北上如初載魚左首進騶  
三列腊進柢祝執醴如初酒豆籩俎從升自阼階  
丈夫踊甸人徹鼎奠由楹內入于室醴酒北面設  
豆右菹菹南栗栗東脯豚當豆魚次腊特于俎北  
醴酒在籩籩南巾如初既錯者出立于戶西西上祝  
後闔戶先由楹西降自西階婦人踊奠者由重南

東丈夫踊賓出婦人踊主人拜送于門外入及兄  
弟北面哭殯兄弟出主人拜送于門外衆主人出  
門哭止皆西面于東方闔門主人揖就次君若有  
賜焉則視斂既布衣君至主人出迎于外門外見  
馬首不哭還入門右北面及衆主人袒巫止于廟  
門外祝代之小臣二人執戈先二人後君釋采入  
門主人辟君升自阼階西鄉祝負壙南面主人中  
庭君哭主人哭拜稽顙成踊出君命反行事主人

復位君升主人主人西楹東北面升公卿大夫繼主人東上乃斂卒公卿大夫逆降復位主人降出君反主人主人中庭君坐撫當心主人拜稽顙成踊出君反之復初位衆主人辟于東壁南面君降西鄉命主人馮尸主人升自西階由足西面馮尸不當君所踊主婦東面馮亦如之奉尸斂于棺乃蓋主人降出君反之入門左視塗君升即位衆主人復位卒塗主人出君命之反奠入門右乃奠升

自西階君要節而踊主人從踊卒奠主人出哭者止君出門廡中哭主人不哭辟君式之貳車畢乘主人哭拜送襲入即位衆主人襲拜大夫之後至者成踊賓出主人拜送三日成服杖拜君命及衆賓不拜棺中之賜朝夕哭不辟子卯婦人即位于堂南上哭丈夫即位于門外西面北上外兄弟在其南南上賓繼之北上門東北面西上門西北面東上西方東面北上主人即位辟門婦人拊心不

儀禮卷十二  
九  
哭主人拜賓旁三右還入門哭婦人踊主人堂下  
直東序西面兄弟皆即位如外位卿大夫在主人  
之南諸公門東少進他國之異爵者門西少進敵  
則先拜他國之賓凡異爵者拜諸其位徹者盥于  
門外燭先入升自阼階丈夫踊祝取醴北面取酒  
立于其東取豆籩俎南面西上祝先出酒豆籩俎  
序從降自西階婦人踊設于序西南直西榮醴酒  
北面西上豆西面錯立于豆北南面籩俎既錯立

于執豆之西東上酒錯復位醴錯于西遂先由主  
人之北適饌乃奠醴酒脯醢升丈夫踊入如初設  
不巾錯者出立于戶西西上滅燭出祝闔戶先降  
自西階婦人踊奠者由重南東丈夫踊賓出婦人  
踊主人拜送衆主人出婦人踊出門哭止皆復位  
闔門主人卒拜送賓揖衆主人乃就次朔月奠用  
特豚魚腊陳三鼎如初東方之饌亦如之無籩有  
黍稷用瓦敦有蓋當籩位主人拜賓如朝夕哭卒


徹舉鼎入外皆如初奠之儀卒北釋匕于鼎俎行  
北者逆出甸人徹鼎其序醴酒菹醢黍稷俎其設  
于室豆錯俎錯腊特黍稷當邊位敦啓會卻諸其  
南醴酒位如初祝與執豆者巾乃出主人要節而  
踊皆如朝夕哭之儀月半不殷奠有薦新如朔奠  
徹朔奠先取醴酒其餘取先設者敦啓會面足序  
出如入其設于外如於室筮宅家人營之掘四隅  
外其壤掘中南其壤既朝哭主人皆往北南北面

免經命筮者在主人之右筮者東面抽上韝兼執  
之南面受命命曰哀子某爲其父某甫筮宅度茲  
幽宅兆基無有後艱筮人許諾不述命右還北面  
指中卦而筮卦者在左卒筮執卦以示命筮者命  
筮者受視反之東面旅占卒進告于命筮者與主  
人占之曰從主人經哭不踊若不從筮擇如初儀  
歸殯前北面哭不踊既井椁主人西面拜工左還  
椁反位哭不踊婦人哭于堂獻材于殯門外西面

北上。績主人徧視之。如哭。樽獻素。獻成亦如之。卜日既朝。哭皆復。外位卜人先奠龜于西塾。上南首。有席。楚燂置于燂。在龜東。族長泣。卜及宗人吉服。立于門西東面。南上。占者三人在其南北。上卜人及執燂席者在塾西。闔東。扉主婦立于其內。席于闔西。闔外宗人告事具。主人北面。免經。左擁之。泣。卜即位于門東西面。卜人抱龜燂。先奠龜西首。燂在北。宗人受卜人龜示高泣。卜受視反之。宗人還。

少退受命。命曰哀子某來日某卜葬其父某甫。考降無有近悔許諾不述。命還即席西面坐。命龜興授卜人龜。負東扉。卜人坐作龜興。宗人受龜示泣。卜泣。卜受視反之。宗人退東面。乃旅占。卒不釋龜。告于泣。卜與主人占曰某日從授卜人龜。告于主婦。主婦哭告于異爵者。使人告于眾賓。卜人徹龜。宗人告事畢。主人經入哭。如筮宅。賓出拜送。若不從。卜宅如初儀。

儀禮卷第十四



# 儀禮卷第十四

士虞禮第十四

儀禮

鄭氏注

士虞禮特豕饋食側亨于廟門外之右東面魚腊  
爨亞之北上饔爨在東辟西面設洗于西階西南  
水在洗西篚在東尊于室中北墉下當戶兩甒醴  
酒酒在東無禁冪用絺布加勺南枋素几葦席在

西序下苴刈茅長五寸束之實于篚饌于西坵上  
饌兩豆菹醢于西楹之東醢在西一鉶亞之從獻  
豆兩亞之四邊亞之北上饌黍稷二敦于階間西  
上藉用葦席匝水錯于槃中南流在西階之南簞  
巾在其東陳三鼎于門外之右北面北上設局鼎  
匕俎在西塾之西羞燔俎在內西塾上南順主人  
及兄弟如葬并服賓執事者如弔服皆即位于門外  
如朝夕臨位婦人及內兄弟服即位于堂亦如之

祝免澡葛經帶布席于室中東面右几降出及宗  
人即位于門西東面南上宗人告有司具遂請拜  
賓如臨入門哭婦人哭主人即位于堂衆主人及  
兄弟賓即位于西方如反哭位祝入門左北面宗  
人西階前北面祝盥升取苴降洗之升入設于几  
東席上東縮降洗解升止哭主人倚杖入祝從在  
左西面贊薦菹醢醢在北佐食及執事盥出舉長  
在左鼎入設于西階前東面北上匕俎從設左人



抽扃鬲七佐食及右人載卒杜者逆退復位俎入設于豆東魚亞之腊特贊設二敦于俎南黍其東稷設一鉶于豆南佐食出立于戶西贊者徹鼎祝酌醴命佐食啓會佐食許諾啓會卻于敦南復位祝奠解于鉶南復位主人再拜稽首祝饗良命佐食祭佐食許諾鈎袒取黍稷祭于苴三取膚祭祭如初祝取奠解祭亦如之不盡益反奠之主人再拜稽首祝祝卒主人拜如初哭出復位祝迎尸一人

衰經奉篚哭從尸尸入門丈夫踊婦人踊淳尸盥宗人授巾尸及階祝延尸尸升宗人詔踊如初尸入戶踊如初哭止婦人入于房主人及祝拜安尸尸拜遂坐從者錯篚于尸左席上立于其北尸取奠左執之取菹擗于醢祭于豆間祝命佐食墮祭佐食取黍稷肺祭授尸尸祭之祭奠祝祝主人拜如初尸嘗醴奠之佐食舉肺脊授尸尸受振祭噉之左手執之祝命佐食爾敦佐食舉黍錯于席上

尸祭鉶嘗鉶黍蒸美湆自門入設于鉶南載四豆設于左尸飯播餘于筐三飯佐食舉幹尸受振祭齊之實于筐又三飯舉脍祭如初佐食舉魚腊實于筐又三飯舉肩祭如初舉魚腊俎俎釋三个尸卒食佐食受肺脊實于筐反黍如初設主人洗廢爵酌酒酌尸尸拜受爵主人北面荅拜尸祭酒嘗之賓長以肝從實于俎縮右鹽尸左執爵右取肝搯鹽振祭齊之加于俎賓降反俎于西塾復位尸卒

爵祝受不相爵主人拜尸荅拜祝酌授尸尸以醋主人主人拜受爵尸荅拜主人坐祭卒爵拜尸荅拜筵祝南面主人獻祝祝拜坐受爵主人荅拜薦菹醢設俎祝左執爵祭薦奠爵興取肺坐祭齊之興加于俎祭酒嘗之肝從祝取肝搯鹽振祭齊之加于俎卒爵拜主人荅拜祝坐授主人主人酌獻佐食佐食北面拜坐受爵主人荅拜佐食祭酒卒爵拜主人荅拜受爵出實于筐升堂復位主婦洗

足爵于房中酌亞獻尸如主人儀自反兩邊棗栗  
設于會南棗在西尸祭籩邊祭酒如初賓以燔從如  
初尸祭燔卒爵如初酌獻祝邊燔從獻佐食皆如  
初以虛爵入于房賓長洗纒爵三獻燔從如初儀  
婦人復位祝出戶西面告利成主人哭皆哭祝入  
尸謾從者奉篚哭如初祝前尸出戶踊如初降堂  
踊如初出門亦如之祝反入徹設于西北隅如其  
設也凡在南扉用席祝薦席徹入于房祝自執其

俎出贊盥隔戶主人降賓出主人出門哭止皆復  
位宗人告事畢賓出主人送拜稽顙

記虞沐浴不櫛陳牲于廟門外北首西上寢右日  
中而行事殺于廟門西主人不視豚解羹飪升左  
肩髀臠肫骼脊脅離肺膚祭三取諸左臙上肺祭  
一實于上鼎升魚鱠鮒九實于中鼎升腊左胾髀  
不升實于下鼎皆設局鼎陳之載猶進柎魚進鬻  
祝俎髀脰脊脅離肺陳于階間敦東淳尸盥執槃

西面執匱東面執巾在其北東面宗人授巾南面  
主人在室則宗人升戶外北面佐食無事則出戶  
負依南面鉶芼用苦若薇有滑夏用葵冬用苴有  
柶豆實葵菹菹以西羸醢籩邊棗烝栗擇尸入祝從  
尸尸坐不說屨尸設祝前鄉尸還出戶又鄉尸還  
過主人又鄉尸還降階又鄉尸降階還及門如出  
戶尸出祝反入門左北面復位然後宗人詔降尸  
服卒者之上服男男尸女女尸必使異姓不使賤

者無尸則禮及薦饌皆如初既鄉食祭于苴祝祝卒  
不綏祭無黍羹渚哉從獻主人哭出復位祝闔牖  
戶降復位于門西男女拾踊三如食間祝并止哭  
聲三啓戶主人入祝從啓牖鄉如初主人哭出復  
位卒徹祝佐食降復位宗人詔降如初始虞用柔  
日曰哀子某哀顯相夙興夜處不寧敢用絜牲剛  
鬻香合嘉薦普淖明齊澣酒哀薦禘事適爾皇祖  
某甫饗再虞皆如初曰哀薦虞事三虞卒哭他用


剛日亦如初曰哀薦成事獻畢未徹乃餞尊兩甒于廡門外之右少南水尊在酒西勺北枋洗在尊東南水在洗東篚在西饌籩豆脯四臠有乾肉折俎二尹縮祭半尹在西塾尸出執几從席從尸出門右南面席設于尊西北東面几在南賓出復位主人出即位于門東少南婦人出即位于主人之北皆西面哭不止尸即席坐唯主人不哭洗廢爵酌獻尸尸拜受主人拜送哭復位薦脯醢設俎于

薦東胸在南尸左執爵取脯搗醢祭之佐食授齊尸受振祭齊反之祭酒卒爵奠于南方主人及兄弟踊婦人亦如之主婦洗足爵亞獻如主人儀無從踊如初賓長洗纒爵三獻如亞獻踊如初佐食取俎實于篚尸謏從者奉篚哭從之祝前哭者皆從及大門內踊如初尸出門哭者止賓出主人送拜稽顙主婦亦拜賓丈夫說經帶于廡門外入徹主人不與婦人說首經不說帶無尸則不餞猶出

几席設如初拾踊三哭止告事畢賓出死三日而殯三月而葬遂卒哭將旦而祔則薦卒辭曰哀子某來日某濟祔爾于爾皇祖某甫尚饗食女子曰皇祖妣某氏婦曰孫婦于皇祖姑某氏其他辭一也饗辭曰哀子某圭為而哀薦之饗明日以其班祔沐浴擗搔翦用專膚為折俎取諸脰膾其他如饋食用嗣尸曰孝子某孝顯相夙興夜處小心畏忌不惰其身不寧用尹祭嘉薦普淖普薦澶酒適爾

皇祖某甫以濟祔爾孫某甫尚饗食暮而小祥曰薦此常事又暮而大祥曰薦此祥事中月而禫是月也吉祭猶未配

儀禮卷第十四



久直

# 儀禮卷第十五

特牲饋食禮第十五

儀禮

鄭氏注

特牲饋食之禮不諏日及筮日主人冠端玄即位  
 于門外西面子姓兄弟如主人之服立于主人之  
 南西面北上有司羣執事如兄弟服東面北上席  
 于門中闌西闕外筮人取筮于西塾執之東面受

命于主人宰自主人之左贊命命曰孝孫某筮來  
日某諏此某事適其皇祖某子尚鄉食筮者許諾還  
即席西面坐卦者在左卒筮寫卦筮者執以示主  
人主人受視反之筮者還東面長占卒告于主人  
占曰吉若不吉則筮遠日如初儀宗人告事畢前  
期三日之朝筮尸如求日之儀命筮曰孝孫某諏  
此某事適其皇祖某子筮某之某為尸尚鄉食乃宿  
尸主人立于尸外門外子姓兄弟立于主人之後

北面東上尸如主人服出門左西面主人辟皆東  
面北上主人再拜尸荅拜宗人擯辭如初卒曰筮  
子為某尸占曰吉敢宿祝許諾致命尸許諾主人  
再拜稽首尸入主人退宿賓賓如主人服出門左  
西面再拜主人東面荅再拜宗人擯曰某薦歲事  
吾子將泣之敢宿賓曰某敢不敬從主人再拜賓  
荅拜主人退賓拜送厥明夕陳鼎于門外北面北  
上有鼎楨在其南南順實獸于其上東首牲在其



西北首東足設洗于阼階東南壺禁在東序豆籩  
鉶在東房南上几席兩敦在西堂主人及子姓兄  
弟即位于門東如初賓及衆賓即位于門西東面  
北上宗人祝立于賓西北東面南上主人再拜賓  
荅再拜三拜衆賓衆賓荅再拜主人揖入兄弟從  
賓及衆賓從即位于堂下如外位宗人升自西階  
視壺濯及豆籩邊反降東北面告濯具賓出主人出  
皆復外位宗人視牲告充雍正作豕宗人舉獸尾

告備舉鼎鬯告絜請期曰羹美飪告事畢賓出主人  
拜送夙興主人服如初立于門外東方南面視側  
殺主婦視饔饗于西堂下亨于門外東方西面北  
上羹美飪實鼎陳于門外如初尊于戶東玄酒在西  
實豆籩邊鉶陳于房中如初執事之俎陳于階間二  
列北上盛兩敦陳于西堂藉用萑几席陳于西堂  
如初尸盥匱水實于槃中簞巾在門內之右祝筵  
几于室中東面主婦纒笄宵衣立于房中南面主

儀禮卷十五  
人及賓兄弟羣執事即位于門外如初宗人告有  
司具主人拜賓如初揖入即位如初佐食北面立  
于中庭主人及祝升祝先入主人從西面于戶內  
主婦盥于房中薦兩豆葵菹蝸醢醢在北宗人遣  
佐食及執事盥出主人降及賓盥出主人在右及  
佐食舉牲鼎賓長在右及執事舉魚腊鼎除鼎宗  
人執畢先入當阼階南面鼎西面錯右人抽扃委  
于鼎北贊者錯俎加匕乃北佐食升所俎鼎之設

于阼階西卒載加匕于鼎主人升入復位俎入設  
于豆東魚次腊特于俎北主婦設兩敦黍稷于俎  
南西上及兩鉶鉶芼設于豆南南陳祝洗酌奠奠  
于鉶南遂命佐食啓會佐食啓會卻于敦南出立  
于戶西南面主人再拜稽首祝在左卒祝主人再  
拜稽首祝迎尸于門外主人降立于阼階東尸入  
門左北面盥宗人授巾尸至于階祝延尸尸升入  
祝先主人從尸即席坐主人拜安尸尸荅拜執奠

祝饗主人拜如初祝命按祭尸左執觶右取菹揆于醢祭于豆間佐食取黍稷肺祭授尸尸祭之祭酒啐酒告旨主人拜尸奠觶答拜祭鉶嘗之告旨主人拜尸荅拜祝命爾敦佐食爾黍稷于席上設大羹美湆于醢北舉肺脊以授尸尸受振祭齊之左執之乃食食舉主人羞所俎于腊北尸三飯告飽祝侑主人拜佐食舉幹尸受振祭齊之佐食受加于所俎舉獸幹魚一亦如之尸實舉于菹豆佐食

羞庶羞四豆設于左南上有醢尸又三飯告飽祝侑之如初舉骼及獸魚如初尸又三飯告飽祝侑之如初舉肩及獸魚如初佐食盛所俎俎釋三個舉肺脊加于所俎反黍稷于其所主人洗角升酌醑尸尸拜受主人拜送尸祭酒啐酒賓長以肝從尸左執角右取肝揆于鹽振祭齊之加于菹豆卒角祝受尸角曰送爵皇尸卒爵主人拜尸荅拜祝酌授尸尸以醑主人主人拜受角尸拜送主人退

儀禮卷十五  
佐食授按祭主人坐左執角受祭祭之祭酒啐酒  
進聽嘏佐食搏黍授祝祝授尸尸受以菹豆執以  
親嘏主人主人左執角再拜稽首受復位詩懷之  
實于左袂挂于季指卒角拜尸荅拜主人出寫嗇  
于房祝以籩受筵祝南面主人酌獻祝祝拜受角  
主人拜送設菹醢俎祝左執角祭豆興取肺坐祭  
齊之興加于俎坐祭酒啐酒以肝從祝左執角右  
取肝揆于鹽振祭齊之加于俎卒角拜主人荅拜

受角酌獻佐食佐食北面拜受角主人拜送佐食  
坐祭卒角拜主人荅拜受角降反于篚升入復位  
主婦洗爵于房酌亞獻尸尸拜受主婦北面拜送  
宗婦執兩簋邊戶外坐主婦受設于敦南祝贊邊祭  
尸受祭之祭酒啐酒兄弟長以燔從尸受振祭齊  
之反之羞燔者受加于胙出尸卒爵祝受爵命送  
如初酢如主人儀主婦適房南面佐食按祭主婦  
左執爵右撫祭祭酒啐酒入卒爵如主人儀獻祝

儀禮卷十五  
籩燔從如初儀及佐食如初卒以爵入于房賓三  
獻如初燔從如初爵止席于戶內主婦洗爵酌致  
爵于主人主人拜受爵主婦拜送爵宗婦贊豆如  
初主婦受設兩豆兩籩邊俎入設主人左執爵祭薦  
宗人贊祭奠爵興取肺坐絕祭濟之興加于俎坐  
挽手祭酒啐酒肝從左執爵取肝揆于鹽坐振祭  
濟之宗人受加于俎燔亦如之興席末坐卒爵拜  
主婦答拜受爵酌醋左執爵拜主人答拜坐祭立

飲卒爵拜主人答拜主婦出反于房主人降洗酌  
致爵于主婦席于房中南面主婦拜受爵主人西  
面答拜宗婦薦豆俎從獻皆如主人主人更爵酌  
醋卒爵降實爵于篚入復位三獻作止爵尸卒爵  
酢酌獻祝及佐食洗爵酌致于主人主婦燔從皆  
如初更爵酢于主人卒復位主人降阼階西面拜  
賓如初洗賓辭洗卒洗揖讓升酌西階上獻賓賓  
北面拜受爵主人在右答拜薦脯醢設折俎賓左

執爵祭豆奠爵興取肺坐絕祭齎之興加于俎坐  
扱手祭酒卒爵拜主人荅拜受爵酌酢奠爵拜賓  
荅拜主人坐祭卒爵拜賓荅拜揖執祭以降西面  
奠于其位位如初薦俎從設衆賓升拜受爵坐祭  
立飲薦俎設于其位辯主人備荅拜焉降實爵于  
篚尊兩壺于阼階東加勺南枋西方亦如之主人  
洗解酌于西方之尊西階前北面酬賓賓在左主  
人奠解拜賓荅拜主人坐祭卒解拜賓荅拜主人

洗解賓辭主人對卒洗酌西面賓北面拜主人奠  
解于薦北賓坐取解還東面拜主人荅拜賓奠解  
于薦南揖復位主人洗爵獻長兄弟于阼階上如  
賓儀洗獻衆兄弟如衆賓儀洗獻內兄弟于房中  
如獻衆兄弟之儀主人西面荅拜更爵酢卒爵降  
實爵于篚入復位長兄弟洗觶爲加爵如初儀不  
及佐食洗致如初無從衆賓長爲加爵如初爵止  
嗣舉奠盥入北面再拜稽首尸執奠進受復位祭

酒啐酒尸舉肝舉奠左執觶再拜稽首進受肝復位坐食肝卒觶拜尸備荅拜焉舉奠洗酌入尸拜受舉奠荅拜尸祭酒啐酒奠之舉奠出復位兄弟弟子洗酌于東方之尊阼階前北面舉觶于長兄弟如主人酬賓儀宗人告祭胥乃羞賓坐取觶阼階前北面酬長兄弟長兄弟在右賓奠觶拜長兄弟荅拜賓立卒觶酌于其尊東面立長兄弟拜受觶賓北面荅拜揖復位長兄弟西階前北面衆賓

長自左受旅如初長兄弟卒觶酌于其尊西面立受旅者拜受長兄弟北面荅拜揖復位衆賓及衆兄弟交錯以辯皆如初儀為加爵者作止爵如長兄弟之儀長兄弟酬賓如賓酬兄弟之儀以辯卒受者實觶于篚賓弟子及兄弟弟子洗各酌于其尊中庭北面西上舉觶於其長奠觶拜長皆荅拜舉觶者祭卒觶拜長皆荅拜舉觶者洗各酌于其尊復初位長皆拜舉觶者皆奠觶于薦右長皆執

儀禮卷十五  
以興舉解者皆復位荅拜長皆奠解于其所皆揖  
其弟子弟子皆復其位爵皆無筭利洗散獻于尸  
酢及祝如初儀降實散于篚主人出立于戶外西  
南祝東面告利成尸謬祝前主人降祝反及主人  
入復位命佐食徹尸俎俎出于廡門徹庶羞設于  
西序下筵對席佐食分簋鉶宗人遣舉奠及長兄  
弟盥立于西階下東面北上祝命嘗食暮養者舉奠  
許諾升入東面長兄弟對之皆坐佐食授舉各一

膚主人西面再拜祝曰暮養有以也兩暮養奠舉于俎  
許諾皆荅拜若是者三皆取舉祭食祭舉乃食祭  
鉶食舉卒食主人降洗爵宰贊一爵主人升酌酌  
上暮養上暮養拜受爵主人荅拜酌下暮養亦如之主人  
拜祝曰酌有與也如初儀兩暮養執爵拜祭酒卒爵  
拜主人荅拜兩暮養皆降實爵于篚上暮養洗爵升酌  
酌主人主人拜受爵上暮養即位坐荅拜主人坐祭  
卒爵拜上暮養荅拜受爵降實于篚主人出立于戶





槃者東面執匱者西面淳沃執巾者在匱北宗人  
 東面取巾振之三南面授尸卒執巾者受尸入主  
 人及賓皆辟位出亦如之嗣舉奠佐食設豆鹽佐  
 食當事則戶外南面無事則中庭北面凡祝呼佐  
 食許諾宗人獻與旅齒於眾賓佐食於旅齒於兄  
 弟尊兩壺于房中西墉下南上內賓立于其北東  
 面南上宗婦北堂東面北上主婦及內賓宗婦亦  
 旅西面宗婦贊薦者執以坐于戶外授主婦尸卒

食而祭饔饗雍饗賓從尸俎出廡門乃反位尸俎  
 右肩髀臑肫脰正脊二骨橫脊長脅二骨短脅膚  
 三離肺一扞肺三魚十有五腊如牲骨祝俎髀臑  
 脊二骨脅二骨膚一離肺一阼俎髀正脊二骨橫  
 脊長脅二骨短脅膚一離肺一主婦俎髀折其餘  
 如阼俎佐食俎髀折脊脅膚一離肺一賓骼長兄  
 弟及宗人折其餘如佐食俎眾賓及眾兄弟內賓  
 宗婦若有公有司私臣皆髀脅膚一離肺一公有

司門西北面東上獻次眾賓私臣門東北面西上獻次兄弟并受降飲

儀禮卷第十五

昏二骨實二骨實一瓣朝一主教以婦於其翁  
三瓣朝一付朝三魚十有五謂以婦骨於其翁  
古風朝朝朝五脊二骨軒茶身脊二骨四脊實  
黃而祭朝朝朝朝朝朝朝朝朝朝朝朝朝朝朝

儀禮卷第十六

少牢饋食禮第十六

儀禮

鄭氏注

少牢饋食之禮日用丁巳筮旬有一日筮於厖門之外主人朝服西面于門東史朝服左執筮右抽上鞞兼與筮執之東面受命于主人主人曰孝孫某來日丁亥用薦歲事于皇祖伯某以某妃配某



儀禮卷十六  
二  
即位于廟門之外東方南面宰宗人西面北上牲  
北首東上司馬刳羊司士擊豕宗人告備乃退雍  
人概鼎匕俎于雍爨雍爨在門東南北上廩人概  
甑甗匕與敦于廩爨廩爨在雍爨之北司宮概豆  
籩勺爵觚解汎洗篚于東堂下勺爵觚解實于篚  
卒概饌豆籩與篚于房中放于西方設洗于阼階  
東南當東榮養定雍人陳鼎五三鼎在羊鑊之西  
二鼎在豕鑊之西司馬升羊右胖髀不升肩臂臠

膊骼正脊一脰脊一橫脊一短脅一正脅一代脅  
一皆二骨以並腸三胃三舉肺一祭肺三實于一  
鼎司士升豕右胖髀不升肩臂臠膊骼正脊一脰  
脊一橫脊一短脅一正脅一代脅一皆二骨以並  
舉肺一祭肺三實于一鼎雍人倫膚九實于一鼎  
司士又升魚腊魚十有五而鼎腊一純而鼎腊用  
麋卒脊皆設局鼎乃舉陳鼎于廟門之外東方北  
面北上司宮尊兩甒于房戶之間同椀皆有罍無









信不精一六  
六  
同祭于豆祭上佐食舉尸牢肺正脊以授尸上佐  
食爾上敦黍于筵上右之主人羞肝俎外自阼階  
置于膚北上佐食羞兩鉶取一羊鉶于房中坐設  
于韭菹之南下佐食又取一豕鉶于房中以從上  
佐食受坐設于羊鉶之南皆芼皆有柶尸扱以柶  
祭羊鉶遂以祭豕鉶嘗羊鉶食舉三飯上佐食舉  
尸牢幹尸受振祭濟之佐食受加于肝上佐食羞  
載兩瓦豆有醢亦用瓦豆設于薦豆之北尸又食

食載上佐食舉尸一魚尸受振祭濟之佐食受加  
于肝橫之又食上佐食舉尸腊肩尸受振祭濟之  
上佐食受加于肝又食上佐食舉尸牢骼如初又  
食尸告飽祝西面于主人之南獨侑不拜侑曰皇  
尸未實侑尸又食上佐食舉尸牢肩尸受振祭濟  
之佐食受加于肝尸不飯告飽祝西面于主人之  
南主人不言拜侑尸又三飯上佐食受尸牢肺正  
脊加于肝主人降洗爵升北面酌酒乃醑尸尸拜

受主人拜送尸祭酒啐酒賓長羞牢肝用俎縮執俎肝亦縮進末鹽在右尸左執爵右兼取肝換于俎鹽振祭濟之加于菹豆卒爵主人拜祝受尸爵尸荅拜祝酌授尸尸醋主人主人拜受爵尸荅拜主人西面奠爵又拜上佐食取四敦黍稷下佐食取牢一切肺以授上佐食上佐食以綏祭主人左執爵右受佐食坐祭之又祭酒不興遂啐酒祝與二佐食皆出盥于洗入二佐食各取黍于一敦上

佐食兼受搏之以授尸尸執以命祝卒命祝祝受以東北面于戶西以嘏于主人曰皇尸命工祝承釶多福無疆于女孝孫來女孝孫使女受祿于天宜稼于田眉壽萬年勿替引之主人坐奠爵興再拜稽首興受黍坐振祭濟之詩懷之實于左袂挂于季指執爵以興坐卒爵執爵以興坐奠爵拜尸荅拜執爵以興出宰夫以簋受齊黍主人嘗之納諸內主人獻祝設席南面祝拜于席上坐受主人

儀禮卷十六  
西面荅拜薦兩豆菹醢佐食設俎牢髀橫脊一短脅一腸一胃一膚三魚一橫之腊兩髀屬于尻祝取菹換于醢祭于豆間祝祭俎祭酒啐酒肝牢從人酌獻上佐食上佐食戶內牖東北面拜坐受爵主人西面荅拜佐食祭酒卒爵拜坐授爵興俎設于兩階之間其俎折一膚主人又獻下佐食亦如之其脊亦設于階間西上亦折一膚有司贊者取

爵于篚以外授主婦贊者于房戶婦贊者受以授主婦主婦洗于房中出酌入戶西面拜獻尸尸拜受主婦主人之北西面拜送爵尸祭酒卒爵主婦拜祝受尸爵尸荅拜易爵洗酌授尸主婦拜受爵尸荅拜上佐食綏祭主婦西面于主人之北受祭祭之其綏祭如主人之禮不啜卒爵拜尸荅拜主婦以爵出贊者受易爵于篚以授主婦于房中主婦洗酌獻祝祝拜坐受爵主婦荅拜于主人之北

卒爵不興坐授主婦主婦受酌獻上佐食于戶內  
佐食北面拜坐受爵主婦西面答拜祭酒卒爵坐  
授主婦主婦獻下佐食亦如之主婦受爵以入于  
房賓長洗爵獻于尸尸拜受爵賓戶西北面拜送  
爵尸祭酒卒爵賓拜祝受尸爵尸答拜祝酌授尸  
賓拜受爵尸拜送爵賓坐奠爵遂拜執爵以興坐  
祭遂飲卒爵執爵以興坐奠爵拜尸答拜賓酌獻  
祝祝拜坐受爵賓北面答拜祝祭酒啐酒奠爵于

其筵前主人出立于阼階上西面祝出立于西階  
上東面祝告曰利成祝入尸謾主人降立于阼階  
東西面祝先尸從遂出于廟門祝反復位于室中  
主人亦入于室復位祝命佐食徹胙俎降設于堂  
下阼階南司宮設對席乃四人暮上佐食盥升下  
佐食對之賓長二人備司士進一敦黍于上佐食  
又進一敦黍于下佐食皆右之于席上資黍于羊  
俎兩端兩下是餃司士乃辯舉養者皆祭黍祭舉

主人西面三拜。養者、養者、奠舉于俎，皆答拜。皆反取舉，司士進一鉶于上。養又進一鉶于次。養又進二豆，湑于兩下，乃皆食。食舉，卒食，主人洗一爵，外酌以授上。養贊者洗三爵，酌主人受于戶內，以授次。養若是以辯，皆不拜受爵。主人西面三拜。養者、養者、奠，皆答拜。皆祭酒，卒爵。奠，皆拜。主人答壹拜。養者三人興出。上養止，主人受上養爵，酌以醋于戶內，西面坐。奠爵拜上養，答拜坐。祭酒，啐酒。

上養親嘏曰：主人受祭之福，胡壽保。建家室，主人興坐。奠爵拜，執爵以興坐。卒爵拜上養，答拜上養。興出，主人送乃退。

儀禮卷第十六

# 儀禮卷第十七

有司第十七

儀禮

鄭氏注

有司徹。埽堂。司宮攝酒。乃設尸俎。卒。設乃升羊豕魚三鼎。無腊。與膚。乃設。局。鼎陳。鼎于門外。如初。乃議侑于賓。以異姓宗人。戒侑侑出。俟于廟門之外。司宮筵于戶西南面。又筵于西序東面。尸與侑北。

儀禮卷十七  
面于廟門之外西上主人出迎尸宗人擯主人拜  
尸荅拜主人又拜侑侑荅拜主人揖先入門右尸  
入門左侑從亦左揖乃讓主人先升自阼階尸侑  
升自西階西楹西北面東上主人東楹東北面拜  
至尸荅拜主人又拜侑侑荅拜乃舉司馬舉羊鼎  
司士舉豕鼎舉魚鼎以入陳鼎如初雍正執一匕  
以從雍府執二匕以從司士合執二俎以從司士  
贊者亦合執二俎以從匕皆加于鼎東枋二俎設

于羊鼎西西縮二俎皆設于二鼎西亦西縮雍人  
合執二俎陳于羊俎西並皆西縮覆二䟽匕于其  
上皆縮俎西枋主人降受宰几尸侑降主人辭尸  
對宰授几主人受二手橫執几揖尸主人升尸侑  
升復位主人西面左手執几縮之以右袂推拂几  
三二手橫執几進授尸于筵前尸進二手受于手  
間主人退尸還几縮之右手執外廉北面奠于筵  
上左之南縮不坐主人東楹東北面拜尸復位尸

儀禮卷十七  
二  
與侑皆北面答拜主人降洗尸侑降尸辭洗主人  
對卒洗揖主人升尸侑升尸西楹西北面拜洗主  
人東楹東北面奠爵答拜降盥尸侑降主人辭尸  
對卒盥主人揖升尸侑升主人坐取爵酌獻尸尸  
北面拜受爵主人東楹東北面拜送爵主婦自東  
房薦韭菹醢坐奠于筵前菹在西方婦贊者執昌  
菹醢以授主婦主婦不興受陪設于南昌在東方  
興取籩于房麴贊坐設于豆西當外列麴在東方

婦贊者執白黑以授主婦主婦不興受設于初籩  
之南白在西方興退乃升司馬牝羊亦司馬載載  
右體肩髀肫骼臠正脊一脰脊一橫脊一短脅一  
正脅一代脅一腸一胃一祭肺一載于一俎羊肉  
涪臠折正脊一正脅一腸一胃一齊肺一載于南  
俎司士牝豕亦司士載亦右體肩髀肫骼臠正脊  
一脰脊一橫脊一短脅一正脅一代脅一膚五齊  
肺一載于一俎侑俎羊左肩左肫正脊一脅一腸



一胃一切肺一載于一俎侑俎豕左肩折正脊一  
 脅一膚三切肺一載于一俎胾俎羊肺一祭肺一  
 載于一俎羊肉涪解一脊一脅一腸一胃一濟肺  
 一載于一俎豕脊解一脊一脅一膚三濟肺一載  
 于一俎主婦俎羊左臠脊一脅一腸一胃一膚一  
 濟羊肺一載于一俎司士杜魚亦司士載尸俎五  
 魚橫載之侑主人皆一魚亦橫載之皆加臠祭于  
 其上卒升賓長設羊俎于豆南賓降尸升筵自西

方坐左執爵右取韭菹換于三豆祭于豆間尸取  
 饗蕡宰夫贊者取白黑以授尸尸受兼祭于豆祭  
 雍人授次賓䟽匕與俎受于鼎西左手執俎左廉  
 縮之卻右手執匕枋縮于俎上以東面受于羊鼎  
 之西司馬在羊鼎之東二手執桃匕枋以挹涪注  
 于䟽匕若是者三尸興左執爵右取肺坐祭之祭  
 酒興左執爵次賓縮執匕俎以外若是以授尸尸  
 卻手受匕枋坐祭濟之興覆手以授賓賓亦覆手

以受縮于俎上以降尸席末坐啐酒興坐奠爵  
拜告曰執爵以興主人北面于東楹東荅拜司馬  
羞羊肉涪縮執俎尸坐奠爵興取肺坐絕祭濟之  
興反加于俎司馬縮奠俎于羊涪俎南乃載于羊  
俎卒載縮執俎以降尸坐執爵以興次賓羞羊燔  
縮執俎縮一燔于俎上鹽在右尸左執爵受燔換  
于鹽坐振祭濟之興加于羊俎賓縮執俎以降尸  
降筵北面于西楹西坐卒爵執爵以興坐奠爵拜

執爵以興主人北面于東楹東荅拜主人受爵尸  
升筵立于筵末主人酌獻侑侑西楹西北面拜受  
爵主人<sub>在其右</sub>北面荅拜主婦薦韭菹醢坐奠于  
筵前醢在南方婦替者執二簋<sub>變</sub>饋<sub>饋</sub>以授主婦主  
婦不興受之奠饋于醢南<sub>饋</sub>在饋東主婦入于房  
侑升筵自北方司馬橫執羊俎以外設于豆東侑  
坐左執爵右取菹換于醢祭于豆間又取饋<sub>饋</sub>同  
祭于豆祭興左執爵右取肺坐祭之祭酒興左執















尸取膾祭祭之祭酒卒爵司士縮奠俎于羊俎南  
橫載于羊俎卒乃縮執俎以降尸奠爵拜三獻北  
面荅拜受爵酌獻侑侑拜受三獻北面荅拜司馬  
羞涪魚一如尸禮卒爵拜三獻荅拜受爵酌致主  
人主人拜受爵三獻東楹東北面荅拜司士羞一  
涪魚如尸禮卒爵拜三獻荅拜受爵尸降筵受三  
獻爵酌以醋之三獻西楹西北面拜受爵尸在其  
右以授之尸升筵南面荅拜坐祭遂飲卒爵拜尸

荅拜執爵以降實于筐二人洗解升實爵西楹西  
北面東上坐奠爵拜執爵以興尸侑荅拜坐祭遂  
飲卒爵執爵以興坐奠爵拜尸侑荅拜皆降洗升  
酌反位尸侑皆拜受爵舉解者皆拜送侑奠解于  
右尸遂執解以興北面于阼階上酬主人主人在  
右坐奠爵拜主人荅拜不祭立飲卒爵不拜既爵  
酌就于阼階上酬主人主人拜受尸拜送尸就筵  
主人以酬侑于西楹西侑在左坐奠爵拜執爵興

侑荅拜不祭立飲卒爵不拜既爵酌復位侑拜受主人拜送主人復筵乃升長賓侑酬之如主人之禮至于衆賓遂及兄弟亦如之皆飲于上遂及私人拜受者升受下飲卒爵升酌以之其位相酬辯卒飲者實爵于篚乃羞庶羞于賓兄弟內賓及私人兄弟之後生者舉觶于其長洗升酌降北面立于阼階南長在左坐奠爵拜執爵以興長荅拜坐祭遂飲卒爵執爵以興坐奠爵拜執爵以興長荅

拜洗升酌降長拜受于其位舉爵者東面荅拜爵止賓長獻于尸如初無涪爵不止賓一人舉爵于尸如初亦遂之於下賓及兄弟交錯其酬皆遂及私人爵無筭尸出侑從主人送于廟門之外拜尸不顧拜侑與長賓亦如之衆賓從司士歸尸侑之俎主人退有司徹若不償尸則祝侑亦如之尸食乃盛俎臠髀肫脊橫脊短脅代脅皆牢魚七腊辯無髀卒盛乃舉牢肩尸受振祭齊之佐食受加

儀禮卷十七  
于所佐食取一俎于堂下以入奠于羊俎東乃撫  
于魚腊俎俎釋三个其餘皆取之實于一俎以出  
祝主人之魚腊取于是尸不飯告飽主人拜侑不  
言尸又三飯佐食受牢舉如儻主人洗酌醕尸賓  
羞肝皆如儻禮卒爵主人拜祝受尸爵尸荅拜祝  
酌授尸尸以醕主人亦如儻其綏祭其嘏亦如儻  
其獻祝與二佐食其位其薦胥皆如儻主婦其洗  
獻于尸亦如儻主婦反取籩于房中執棗糗坐設

之棗在稷南糗在東南婦贊者執栗脯主婦不興  
受設之栗在糗東脯在棗東主婦興反位尸左執  
爵取棗糗祝取栗脯以授尸尸兼祭于豆祭祭酒  
啐酒次賓羞牢燔用俎鹽在右尸兼取燔換于鹽  
振祭濟之祝受加于所卒爵主婦拜祝受尸爵尸  
荅拜祝易爵洗酌授尸尸以醕主婦主婦主人之  
北拜受爵尸荅拜主婦反位又拜上佐食綏祭如  
儻卒爵拜尸荅拜主婦獻祝其酌如儻拜坐受爵

主婦主人之北荅拜宰夫薦棗糗坐設棗于菹西  
糗在棗南祝左執爵取棗糗祭于豆祭祭酒啐酒  
次賓羞燔如尸禮卒爵主婦受爵酌獻二佐食亦  
如儉主婦受爵以入于房賓長洗爵獻于尸尸拜  
受賓戶西北面荅拜爵止主婦洗于房中酌致于  
主人主人拜受主婦戶西北面拜送爵司宮設席  
主婦薦韭菹醢坐設于席前菹在北方婦贊者執  
棗糗以從主婦不興受設棗于菹北糗在棗西佐

食設俎髀脊脅肺皆牢膚三魚一腊髀主人左執  
爵右取菹換于醢祭于豆間遂祭籩魚爵興取牢  
肺坐絕祭濟之興加于俎坐拱手祭酒執爵以興  
坐卒爵拜主婦荅拜受爵酌以醋戶內北面拜主  
人荅拜卒爵拜主人荅拜主婦以爵入于房尸作  
止爵祭酒卒爵賓拜祝受爵尸荅拜祝酌授尸賓  
拜受爵尸拜送坐祭遂飲卒爵拜尸荅拜獻祝及  
二佐食洗致爵于主人主人席上拜受爵賓北面

荅拜坐祭遂飲卒爵拜賓荅拜受爵酌饗爵于主婦主婦北堂司宮設席東面主婦席北東面拜受爵賓西面荅拜婦贊者薦韭菹醢菹在南方婦人贊者執棗糗授婦贊者婦贊者不興受設東于菹南糗在棗東佐食設俎于豆東羊臠豕折羊脊膾肺一膚一魚一腊臠主婦升筵坐左執爵右取菹換于醢祭之祭筵奠爵興取肺坐絕祭齊之興加于俎坐拱手祭酒執爵興筵北東面立卒爵拜賓

荅拜賓受爵易爵于篚洗酌醋于主人戶西北面拜主人荅拜卒爵拜主人荅拜賓以爵降奠于篚乃羞宰夫羞房中之羞司士羞庶羞于尸祝主人主婦內羞在右庶羞在左主人降拜衆賓洗獻衆賓其薦承其位其酬醋皆如儼禮主人洗獻兄弟與內賓與私人皆如儼禮其位其薦承皆如儼禮卒乃羞于賓兄弟內賓及私人辯賓長獻于尸尸酌獻祝致醋賓以爵降實于篚賓兄弟交錯其酬

無筭爵利洗爵獻于尸尸醋獻祝祝受祭酒啐酒  
奠之主人出立于阼階上西面祝出立于西階上  
東面祝告于主人曰利成祝入主人降立于阼階  
東西面尸謬祝前尸從遂出于廟門祝反復位于  
室中祝命佐食徹尸俎佐食乃出尸俎于廟門外  
有司受歸之徹阼薦俎乃暮如儻卒暮有司宮徹  
饋饌于室中西北隅南面如饋之設右几扉用席  
納一尊于室中司宮埽祭主人出立于阼階上西

面祝執其俎以出立于西階上東面司宮闔牖戶  
祝告利成乃執俎以出于廟門外有司受歸之衆  
賓出主人拜送于廟門外乃反婦人乃徹徹室中  
之饌

儀禮卷第十七

